

A pone prome piedra dia 29 di mei

Te awe nada di construccion pa ampliacion y renobacion di Dr. Horacio E. Oduber Hospital

NOS no sa si ta debi cu te ainda Presupuesto 2014 no ta firma, a pone cu no por cuminsa cu construccion pa ampliacion y renobacion di Dr. Horacio E. Oduber Hospital.

Tabata dia 29 di mei ultimo, riba un diabierna atardi cu un ceremonia cu masha invitado, a tuma lugar e asina yama “ground-breaking” y ponemento di prome piedra.

Awe despues di practicamente di dos luna di tur e ceremonia aki, no tabatin nada di construccion te ainda.

Tabata e lider di e proyecto, Ruben Croes, kende a duna di conoce cu esaki ta debi cu mester a ordo e materialnan necesario y cu na

luna di september awor, lo cuminsa cu construccion di dos toren. Un di nan t’e Central Utility Plant y e otro t’e Medical Office Building. Hunto cu inicio di esakinan, lo cuminsa su tras cu construccion di e edificio nobo pa Hospital, en particular lo cuminsa cu e parti di Prome Asistencia.

Unabes cu cuminsa cu esakinan, lo cuminsa cu construccion di e salanan di operacion nobo.

Si tuma na cuenta cu e intencion tabata pa na luna di augustus aña pasa, ex Minister Richard Visser lo a pone e prome piedra, loke nifica cu e construccion ta lat caba. E construccion aki lo tuma 2 pa 3 aña prome cu Aruba tin un Hospital nobo y renoba.

